

يوميات زوج صايم



تم تحويل هذه الرواية الى Pdf

بواسطة موقع ايحي فور تريندس

<https://www.egy4trends.com>

مالك : يعني انت بتعيطي ليه دلوقتي سارة :

عشان انت راجل مفتري بص مالك ل ايدك الي

مليانه عض : والمفتري عملك ايه طيب اهدي
وبطلي عياط هتتعبي سارة : ايوه ما انت خايف
علي ابنك انما أنا ولا افرق معاك مالك : لا يا
حبيبتي تفرقي معايا طبعاً وصحتك انت والولد
مهمة عندي سارة : قولتلك بنت ولا انت بقي مش
عايز بنات مزعلاك خلفه البنات مالك : ولد وبنت
كل الي يجيبه ربنا كويس دي نعمة ممكن تهدي
وافهم في ايه سارة : مش عايز تأكلني تراب ليه مالك
: بالله عليك انت مقتنعة بالجملة سارة : أنا بتوحم
علي تراب وعلي اني اعضك مالك : وسايبك
تعطيني وبحط مراهم وبحط في قلبي وساك
وبس بقي بدل والله ما هطفش وما هتعرفيلي
طريق جره سارة : وأنت كمان عايز تشتكي أنت

السبب في انا فيه كنت وردة مفتحة وبعدها
تطفش ايه مش لازم تتحمل مسؤولية عملتك
وتصلح غلطك مالك : وأنا كنت غصبتك يعني
وبعدها غلط ايه الي اصلحه اكرر من انا اتنيلت علي
عيني واتجوزتك ده تلاقيني كنت شارب سارة : ايوه
انت خدرتني يا نهار اسود وكمان مدمن مالك : لا
حول ولا قوة الا بالله معلى انا راجل مش محترم
وبس بقي بدل ما ارميلك نفسي من البلكونة دي
وبالمناسبة يعني خبر مش مهم احنا متجوزين
اقسم بالله متجوزين سارة بعياط : طب انا عايزة
اكل تراب مالك بعياط : اقسم بالله ما ينفع
ارحميني سارة : متزعقليش بقي هعيط اكرر طب
هشمه بس مالك : اجبك سجارة وتروليه يا

حبيبتي ولا اجبلك طبق وشميه ويبقي ادمان جديد
اعقلي بقي يا سارة سارة : قصدك اني مجنونة مالك
: لا والله انا الي مجنون وابن ستين في سبعين اني
اتجوزت اصلا سارة : ما هو الي مغري الله مالك :
يعني ايه مغري هو طبق كبدة اسكندراني سارة :
كبدة الله واحط عليها رنجة واقطع عليهم مانجا
ومايونيز واغمسهم في شيكولاته سايحة مالك : ايه
القرف ده بطني اتقلبت سارة : قرف ايه بس ده قمر
وارش عليهم تراب هيح تراب انا عايزه تراب يا مالك
مالك : يعيني علي الحلو لما تبهدله الأيام سارة
وهي بتعض كتف مالك :هاتلي تراب مالك : يا
لهوووووووي يا بنت العضاضة كفايا عض حاضر

هتهب اءب زفت تراب سارة : أنت ءببب مالء :

وانا مش طابقك

———— Part Break ————

أحمد : رمضان جانا وفرحنا ابو ايه يا غسل بقي
هناكل ايه ده رمضان بعد بكرة مني : هناكل مكرونة
مش فاضية بروق أحمد : يعني هي مش كانت
ترويقة العيد طلعتنا بترويقة رمضان كمان ثم
مكرونة ايه يعني امبارح كشري وأول امبارح عدس
في ايه بقي اتقي الله مني : هعملكم كل الي نفسكم
فيه أول يوم رمضان أحمد : وانت فاردة صدرك اوي
بربع كيلو الكاجو الي جبهته فوق يا اختي مني :
بقولك ايه متشغلنييش خليني انضف اغسلي يا
بت السجادة كويس أحمد : اعتقي البت بقي ده
انت ناقص تخطي علي الجيران تاخدي
سجايدهم تخليها تغسلها مني : يعني أنت عايز

الضيوف يا جوا يقولوا عليا مش نضيفة احمد :
يعني احنا مش بنضف عشان البني ادمين الي
حيال الله عايشين في البيت وان النضافة من الايمان لا
بنضف عشان الضيوف ميقولوش علينا حاجة مني
: سييك بس من الكلام ده جيت باقي الطلبات احمد :
جيت ياختي كل حاجة محمد : والبط يا بابا جيت
البط احمد : بط ياااه أحلام السفهاء حبيب ابوك
احنا عشان ناكل بط محتاجين قرض ليلي : ما انت
لسه قابض الجمعية يا بابا الله احمد : يعني مش
نصلح الغسالة الي باظت لا نجيب بط محمد : انت
تجيب ع بطات هم علي قد فلوس الجمعية مني :
فكرة ونعملهم علي اربع مرات ليلي : لا نعملهم مرة
وكل واحد ياكل بطايه احمد : يا طفسه يالي همك

علي بطنك عايزانا نعمل ٤ بطات في يوم واحد
محمد : عشم ابليس في الجنة دي امك اكلتنا عدس
وكشري وبصارة ومكرونه وفول وطعميه وبدنجان
وبطاطس وانهارده اليوم السادس طلعت بواقي الاكل
كله بتاع الاسبوع الي نصه بايظ وعملت جنبه شوية
مكرونه ولسه بتفكر هتقضيها إزاي بكرة وانت
عايزاها تعملك ٤ بطات في يوم مني : قصدك ايه يا
واد ده توفير علي فكرة ثم ان الاسبوع الي قبل
رمضان بنقضيه معروفة وأول يوم رمضان هعملكم
كل الي نفسكم فيه احمد : يارب عيلة هتشلني
يارب عوض عليا عوض الصابرين مني : يالا يا واد
كمل تنضيف في السفارة وأنت يا احمد اهدي كدة
وادخل في شوية مواعين استفرد بيهم يالا أحمد :

کمان هغسل المواعين واللّٰه انا تكة وهطفش وما

هتعرفولي طريق جره

———— Part Break ————

فاطمة : بصي بقي أنا عايزة فراخ في الفرن وعايزة
صنية بطاطس وتحطي فيها قرن شطة عشان بحب
الحراق ليلي : بس أنا מבحبش الشطة فاطمة : مش
مهم انت مش انا معزومة عندكم علي الفطار
والمهم متحطيش البطاطس تحت الفراخ عشان

مش بحبها كدة وعايضة ملوخية وجنبها محشي ورق

فاطمة : بس بقي DVD عنب ليلي : مش عايضة

والملوخيه ميكونش فيها توم كتير وتهرسي البصل

بتاع المحشي جامد لاني مبحش البصل في

المحشي ولو شوفت بصلاية هقرف واصلا في بيني

وبين البصل عداوة وانت لازم تبقي عارفة ليلي : ليه

لازم ابق عارفة فاطمة : الله مش صاحبت عايضة

بوفتيك ليلي : هقطع بس وصلة الامنيات فوق يا

فاطمة انا مش مصباح علاء الدين يا اختي أنا ابويا

هيطردني ويطردك كدة فاطمة : يعني ايه مش

هتعمليلي الي عايضة انت اصلا بياعة أحمد : اه يا

فاطمة انا بنتي بياعة واقولك علي حاجة وخديها

هي كمان فوق البيعة مش كفاية عليا التعويم والي

عايزة تاكل اربع بطات يعني انا المفروض احقق

احلام عيالي وصحابهم وانا مين يحقق احلامي

عوض عليا يارب

———— Part Break ————

سعاد : ها يا بنتي جهزتي حاجة فطار بكرة متنسيش

خطيبك معزوم عندنا نور: جهزت اهو يا ماما،

تفتكري الدنيا هتعتدي على خير سعاد : تفائلي بالله

يا شيخة ايه ممكن ميخليهاش تعدي نور : أصلي

قاعدة بفكر في بكرة، يا ترى أوقع كوبيات التمر، ولا

أقع بطباق الشوربة، ولا ممسكش حاجة خالص،

ونتكعبل أنا وطبق المخلل في السجادة؟ سعاد : يا

شيخة بس بقي حرام عليك انت متعرفيش ان

لسان ابن ادم موكل بالقول الي هتقوليه هيحصلك
ارحمينا نور : يوه يا ماما بقي كفاية تقطيم فيا امجد
: اسمعي كلام أمك بلاش لسان طويل وخدي
الفاكهة دي افرزيها بلا خطيبك بلا بتاع لسه
هجوزك كمان ٥٠ سنة متستعجليش نور : يا ماما
بقي شايفة جوزك يعني كمان ٥٠ سنة سعاد :
متخافيش يا بت هجوزك هو ابوك دمه خفيف
امجد : افرض طلع عايز يغدر بيك سعاد : وانت حد
يقدر يغدر بيك انت وبنتك نور : ايوه طبعا ربنا
يباركلي في عمره سعاد : لا يا عين امك عشان انت
قادرة اصلا مش محتاجة حد يجيب حقك نور:
شايف يا بابا امجد : لا مش واخد بالي انا مراقي طول
عمرها مبتقولش حاجة غلط سعاد: تعيشلي يا روح

قلبي نور : يعني طلعت انا الغريبة طب أنا رايحة
افتح التلفزيون يا عصافير الحب سعاد :
متفتحيش التلفزيون علي الفطار نور : هنقاطع بقي
المسلسلات وكدة عشان ده شهر عبادة سعاد : لا
الاعلانات بتشلني ورامز بيشلني اكثر وانا ست
عندي الضغط امجد : الإعلانات أغلبها بتشجع علي
منتجات المقاطعة والاهم كل دي كهربا أنت عارفة
الفاتورة كام الشهر ده نور : الاعلانات دي فعلا
مستفزة بيحسسوني ما هو إحنا مش هنفطر؛
هنستنى كل اللي بيتمنى لنا صوماً مقبولاً وإفطاراً
شهياً وبعدين نبقى نفطر بقى مش مهم!! سعاد :
ايوه معاك حق الفاتورة عالية فعلا ما هي منورالي
كل انوار البيت امجد : معقول منورين النور وانت

موجودة سعاد : يالهوي عليك وعلي كلامك انا
هأجل بقي موضوع الاطباق واقوم اعملك الكنافة
امجد : ايوه بقي دلعيني

———— Part Break ————

سعاد : ايه رايك في اطقم الاطباق دي امجد : حلوين
يا سعاد سعاد : لا دهبي مش حلوين طب ايه رايك
في الي بوردرات دول امجد: يا حبيبتي هاتي أي حاجة
مفرقتش دول هيتاكل فيهم مش هناخد عليهم
نوبل يعني سعاد : هو أنت متسحسسنيش ابدأ أنك
مهتم بالي أنا عايزاه يا شيخ اتقي ربنا فيا امجد : انا

يا سعاد انت عمرك شوفتي راجل في سني نازل
يجيب اطباق مع مراته اهتمام ايه اقدر من كدة يالا
ندروح يا ستي سعاد : طب خلاص هاتلي قصب بقي
عشان نفسي فيه امجد : عنيا استني هروح اجيب
كانت سعاد واقفة مستنيه ولقت عيال صغيرة
بيولعوا صواريخ ويرموها ناحيتها او ناحية اي حد
ماشي سعاد : ارمي الصاروخ عليا يحبيبي وانا
واقفة ارمي مانت ما شوفتش برقع جنيه رباه دا
بدل ما تقولي تعالي العبي معايا... امجد : تلعب مع
مين يا سعاد ده ايه المراهقة المتأخرة دي يا ربي
سعاد : اصل الصواريخ دي ليها طعم خاص مهما
الواحد كبير وحياتك امجد : طب انت متعرفيش انها
ممنوعة امشي بدل ما يتقبض علينا امشي

قدامي هتشلني هي وبنتها يارب وانا والله صغير
سعاد : صغير اه قالتها وهي بتبص لشعره الابيض
سعاد: علي يددي

———— Part Break ————

سعاد : يا تساعديني يا تذاكري يا هانم نور :
ضميري الدراسي اتحبس مع الشياطين تقريبا كدا
سعاد : والله انت هتستهلي قومي يا بت اعلمي

الكنافة دي واعملي حسابك هنصلي سوا التراويح

في المسجد امجد : برضو هتصلي التراويح في

المسجد وتاجي تشتكي ان العيال داست علي

راسك والي خبطك بالكورة و أن مصلي السيدات

متعّب نور : مصلى السيدات بيعلمك حاجات كتير

أوي أهمهم إن صلاة المرأة في بيتها أفضل والله

أمجد : خلاص يبقي تصلوا في البيت احسن وبعدها

أنت مش خطيبك جاي سعاد : ايوه والمغرب

خلاص مش عارفة اتاخروا ليه امجد : طب شهلوا

شوية ولا هنقول للناس معلش هنفطركم العشا نور

: يا بابا ما احنا شغالين اهو امجد : ردي عليا قلبي

ادبك ما انت اصلا مش متربية وامك دي معرفتش

تربيك عشان تردي عليا وهي ساكتالك سعاد : لا

اله الا الله بس يا بت يا نور احترمي نفسك
وملكيش دعوة ب ابوكي انا هربيك وغمزت لنور
امجد : بتغمزيها ليه مجنون انا ها بتاخدوني علي
قد عقلي بشدلكم في شعري انا انا غلطان انا مش
هفطر معاكم وشوفوا هتفطروا مع خطيبها ازاى
بقي سعاد وهي رايحة وراه : لا حول ولا قوة الا
بالله خد يا امجد تعالي بس معلش حقك عليا انا
نور : والرجالة بتقول علينا ان احنا الي عندنا
هرمونات قسما بالله ما شوفت قد هرموناتهم في
نهار رمضان نسأل الله الخلاص عشان أنا خلاص

———— Part Break ————

سمية : اعملكم عصير ايه انهارده يا اخويا محمد :

اي حاجة يا سمية مش هتفرق سمية : اعمل فراولة

محمد : لا مش مشروب رمضاني ده يتعمل كدة في

سهرة حلوة قدام العيال كبرت سمية : طب اعمل

مانجة من الي مخزناها محمد : لا لا المانجة تتاكل

بقشرها اطعم واحلي سمية : طب اعمل تفاح

محمد : لا هيعطشني لا سمية : طب اعمل تمر

هندي العيال بتحبه محمد : تمر هندي ايه وبتاع ايه

طعمه مش حلو اصلا وكله الوان سمية : طب اعمل

سوبيا محمد : لا التمر باللبن احلي ومفيد اكرر

سميه : طب اعمل تمر ب لبن محمد : الاذان خلاص

خليه بكره بقي مش هتلقني سميه : يا محمد انا

زهقت شوف عايز ايه انا قولت كل الي عندي محمد

: انت تعملي عرقسوس هو في زي العرقسوس ولا

جمال العرقسوس سميه : بس محدش بيحبه في

البيت غيرك محمد : عشان العيال مبيفهموش لا في

الاكل ولا في الشرب انت تعملينا ٣٠ شفشق

وتطلعيلنا واحد كل يوم

———— Part Break ————

يوسف : مش فاهم يعني مش المفروض يدونا أي
يوم اجازة حتي ميرضييش ربنا كدة مرام : موافقوش
تاخذ اجازة يوسف : المدير قالي فانوسك وبلحك
والاقيك في الشغل ٧ ونص الصبح مرام : معلش
حقك عليا حسنات وخير ليك يوسف : يالا الحمدلله
صحيح فين الزينة يعني الشارع معلقش كل ده ليه
مرام : اه والله كل الي بفكر فيه : ايه يا شارعنا
هتعلق زينة امتى الشوارع التانية كلت وشي. مرام :
والغربية بقي انك دافع ٣ مرات فلوس زينة أصلا
يوسف : عيال صغيرة الله يهديهم أنت فاكدة
بيعملوا كدة معايا لوحدي يحيي : بابا هو أنا لو

قولت ل ملك خطيبتى بحبك هبقى فطرت يوسف

: بص يا يحيى لو قولتها الصبح هتبقى خدت ذنوب

حرام وأنت صايم يحيى : طب لو بلیل بقي يوسف :

هتبقى خدت ذنوب وحرام برضو يوسف وهو

بيسقف علي وشه : اتقي الله هتولع يا ابني اكتب

الكتاب وقول الي أنت عايزة يحيى : استغفر الله

العظيم قالها وهو بيمسح علي وشه تسلم يا حج

أسماء : حاسب الصاروخ تحتك قالتها ل يحيى وهي

بترمي عليه الصاروخ مرام وهي رايحالها بالشبشب :

عفشي وفرشي يا جزمة ايه هتولعيلي في الشقة

أنت مش هتكبري ابدا قالتها وهي بتضربها وبعدها

جريت ورا يحيى وانت السبب أنت الي بتجبلها

الهاباب ده لو تتلم شوية كانت اتلمت يوسف :

الصواريخ دي عجيبة الواحد مش عارف كانوا
بيبيعوله صواريخ بايظة ولا بيبيعوا للعيال ديناميت
دلوقتي ولا ايه مرام : يبيعوا الي يبيعوه انما صواريخ
في بيتي لا عفشي وفرشي لا بص يوسف للصاروخ
الواقع علي الارض وخده وولعه ورماه جنب مرام
وهي بتضرب الولاد وخذ حاجاته خرج بسرعة وكل
الي سمعه هو صريخها بسبب الصاروخ والعفش
فضحك ونزل شغله

———— Part Break ————

عبد الله : ها الاكل خلص أميرة : والله أنت منورني
بس وجودك في المطبخ يعني هنا لا هيسرع الاكل
ولا الاذان هيأذن دلوقتي ولا الاكل هيستوي أحسن
فأخرج يا عبدالله وخلي اليوم يعدي عبد الله : لا أنا

داخل اشوف يعني عملتي الملوخية زي ما قولتلك

أميرة : والله اقترحاتك في التسبيك والطشة

والشهقة علي عيني بس لو شهقتي مش عاجباك

اشهق أنت وكمل واسبلكم انا الفطار عادي أنا عايزة

اخذ اجازة أصلا عبداللّٰه : وايه يعني لما تسمعي

كلامي أنا عارف بقولك ايه علي فكرة أميرة : هو

الحوار شيق واللّٰه لكن الاذان خلاص باقي عليه ١٠

دقايق وانا من صهد البوتجاز والسوبيا المشبرة

هناك دي ممكن اخذك علي محكمة الاسرة

عادشي عبد اللّٰه : علي فكرة بقي أنا كنت بساعد

أمي في الاكل فأنا عارف بقولك ايه أميرة : علي فكرة

دي نميمة واحنا صايمين ومعرفش ايه جاب سيرة

مامتك حاليا فلو سمحت خد العيش واقعد علي

السفرة وشوربتك وملوخيتك ورزك هياجولك لحد

عندك عبدالله : علي فكرة أنا وقفت أساعدك

وعشان كدة الاكل هيطلع حلو. أميرة وهي بتحط

الطبق من اديها : يعني مش عشان انا واقفة اعمل

طب عموما والله الجواز حلو والخلفة حلوة وانا

جربت الحمد لله ف فين الباب بقي عشان انا مش

هكمل في التجربة دي انا ناقصة حد يجلطني اكرر

من كدة

———— Part Break ————

باسم : أنا نفسي في حاجة اشربها علا : عايز تشرب
ايه انا عاملة تمر وفراولة باسم : الواحد عايز يجدد
كدة علا : مش كفاية اختراعات الفطار الي بتكون
قبل الفطار بعشر دقائق باسم : طب ما انا صايم
ونفسي في حاجة اشربها علا : يعني العصيرين
وشوربة المشروم وشوربة لسان العصفور الي

معمولين مع ٨ كوبايات شاي و٤ فناجين قهوة بعد
الفطار ونفسك في حاجة تشربها باسم : انت هتعتدي
عليا يا علا ما أنا صايم الله علا : لا أبدا اشرب من
دمي يا باسم مع لترين مايه ان شاء الله هتبقني
راضيت عندك الحاجة الي عايز تشربها باسم : عارفة
انا نفسي في عصير ازرق كدة كنت شوفته في فيلم
علا : طب أنت عارف اسمه باسم : لا بس هو كان
شكله حلو علا : طب خد مايه يا باسم واستهدي
بالله يا حبيبي ونقفل وصلة الامنيات دي عشان انا
مش جني مصباح علاء الدين

———— Part Break ————

مريم وهي بتبص لصنية الكنافة المحروقة : لا اله الا
الله دي تالت مرة كدة كريم : اقدملكم المتفحمة
مريم : بطل بقي كريم : كل دي مكونات بتتهدر
مريم : فدايا علي فكرة المهم اني بتعلم كريم : انا
مش قولت متحطيهاش في الفرن وتقعدي تفطري
بتتقلي وتسببها تتحرق مريم : علي فكرة هشيل
بس الطبقة الي فوق وهتبقي زي الفل كريم : بس

الطبقة الي تحت عادي مفيهاش مشكلة مريم :
علي فكرة مش محروقة جامد كريم : طب سيبني
الكنافة، الكيكة زعلتك في ايه، مش كنت اشطر
شيف في مصر قبل الخطوبة ودوق يا كريم وانا الي
عاملها يا كريم مريم : علي فكرة بقي انا شاطرة
جدا في الحلويات كريم : مبطوطة ٣ كيلو دقيق غير
الزيت والسمن والغاز واما اتكلم تقولي أصل
الخميرة بايطة . مريم : اعيش وابوظ فدايا المهم
الصحة الفلوس دي بتروح وتيجي كريم : ما الصحة
هتبط من الاكل البايط مريم : طب بص هعملك
كريم كراميل هتحلف بيه كريم : لا لا انا كدة كتير
عليا انا رايع ل امي مريم : يا كريم يا كريم استني
بقي

——— Part Break ———

أسر : انا عايز كوبايه قهوة لبنى : الاذان لسه باقي
عليه ٥ دقائق أسر : مش قادر يا لبنى هموت عايز
قهوة حاسس اني هتجنن لبنى: قولتلك أنت اقوي
من القهوة ولازم تتعالج عشاننا وانت الي بتوصل
نفسك لمراحل خطرة أسر : القهوة دي عشق لا
ينتهي انا عايز كوباية قهوة بقي لبنى: أنت بتحلم
صح انت متخيل اني هقف دلوقتي اعمل قهوة مع
الأكل الي انا عاملاه والشوربة والعصاير والصهد
والخلق الضيق وعايز فنجان قهوة وبوش لا ده طلب
تعجيزي أسر : بس انا مش عايز فنجان انا عايز
كوباية لبنى : كمان وبتقولها كدة في وشي عادي
طب يا اخي راعي الموده والرحمة والعشرة الي بينا
وان العيال قاعدة أسر : بمعني لبنى : يعني خلص

العصير اللذيذ ده يا لذيذ أسر : ايوه كوباية القهوة
عايزها عايز افطر عليها لبنى : أنت عارف ان شراينك
وخلايا جسمك متفقة معايا القهوة علي الريق غلط
انا خايفة علي صحتك كل بس والقهوة هتتعمل ان
شاء الله أسر : طب بعد الفطار علي طول اعمليهالي
لبنى : انا بعد الفطار هطفش ومش هتتعرفولي

طريق جرة

———— Part Break ————

عبد الرحمن وهو يخطط ريموت التلفزيون في
التلفزيون : دي بقت حاجة تقرف الاء : لا اله الا الله
حد يعمل كدة يا عبده عبد الرحمن : عصبوني يعني
ايه استني المسلسل تلت ساعة وفي الاخر اول ما
ياجي الاقيهم منزلين التتر الاء : تلت ساعة لا يا عبده
بيتهيقلك عبد الرحمن : ١١ اعلان في دقيقتين كل
اعلان هتلاقيهم تلت ساعة واكثر الاء : لا صراحة
معاك حق كمان الاعلانات السنادي كتير ورقص
وشغل واستثمار وبتاع بجد بيزهقوا الواحد عبد
الرحمن : والاهم من كل ده يعني انا مستني

المشهد المهم عشان الاقي التتر في وشي انا اصلا
مش مهتم اعرف اسماء الممثلين انا عايز اعرف ايه
هيحصل الاء : معاك حق بس مش لدرجة تكسر
الشاشة أنت عارف الأسعار عاملة ازاي دلوقتي عبد
الرحمن : ما انا اتعصبت الله انا غلطان اني اسمع
كلامك واتفرج علي مسلسلات اصلا دي حاجة
تقرف وهاتي طبق الكنافة ده هاكله لوحدي الاء :
استني يا عبده الكنافة لا يا عبده

———— Part Break ————

أسر : أنت متاكدة ان الأكل ده هيكفي هاجر : يارب
مش عايضة افطر يارب ان شاء الله يكفي يا اسر أسر
: علي فكرة انا خايف عليك يعني الدنيا صيام وكدة

ودي عزومة والناس هتبقى جعانة هاجر : يعني
مش عشان انت جعان عشان متسحرتش وقررت
تاخذ قرارات صحية وتعمل دايت وتبقى راجل
صحي جدا واتسحرت كوباي زبادي وشارب مايه
بلمون لا يا اسر متخافش هيكفي أسر : علي فكرة
بقي مش جعان وهتشوفي هكمل في الدايت
وهخس جدا هاجر : علي ידי يا روح قلبي انا من
راي تطلع تريخ عشان انت مفرهد من الساعة ٢
وكفاية انك نمت في الصالة ونكدت علينا عشان
تعبان اسر : وانا نكدت عليكم في ايه بقي ان شاء
الله هاجر : يعني لما تنام في الصالة وممنوع حد
يعمل حركة عشان حضرتك تعبان ومفرهد وانا
عندي عزومة وعمالة اجري وبدل ما تساعدني ولا

تسخن معايا الاكل او حتى تغرفه نمت ولما صحيت

واقف تتناقش معايا في هل الاكل هيكفي ولا لا

تبقي حضرتك بتعمل ايه اهدار طاقة ده وخلص

وانا بشطب طاقة اسر : يا ستي خلاص انا غلطان

اني عايزة اشجعك هاجر : لا متشجعش تسلم اسر :

يعني أنت متاكدة ان الأكل هيكفي هاجر : يارب

الصبر يارب

———— Part Break ————

معتز : المخلل فين سماء : سفرة طويلة عريضة
قدامك وانت ماسك في المخلل معتز : أنت عارفة
اني مش بعرف اكل من غيره سماء : هحطه يا معتز
وانا بغرف متقلقش اغرف بس الشوربة كدة معتز :
لا تعبنا ومصدع مش مركز سماء : معلش عشان
تاخذ حسنات خليك راجل جدع وساعدني معتز :
حاضر بس هو لسان العصفور ليه اللسان فيه كتير

سماء : يعني أنت تعبان ومش مركز بس اللهم بارك

ركزت في عدد اللسان وهو كثير ولا لا، لا يا معتز

مش كثير يا حبيبي معتز : والله انت الي حبيبتني

بس متنسش المخلل سماء : مش لاقيه غير

مخلل جزر وخيار الفجل خلص معتز : بس انا بحب

الفجل اكثر يعني مش هاكل كدة سماء : يعني

سفرة طويلة عريضة ومحشي وبط وعصير ولسان

عصفور وانت هتسيب كل ده عشان مخلل فجل يا

معتز معتز : معلش مش بعرفاكل من غير الفجل

أنا سماء : لو الجملة دي هتحمسني يعني عشان

اجيب فجل مخلل من تحت الارض الزراعية بتاعتنا

الي تحت سريرنا فمع الاسف احنا لا عندنا ارض

زراعية تحت السرير ولا عندنا فجل محتاج يتخلل

ولا في فجل مخلل بيطلع من الارض اصلا معتز :
يعني ايه مش هاكل مخلل لا انا هنزل اشتري سماء
: يا معتز الشوربة استني اغرفها طيب يا معتز

———— Part Break ————

———— Part Break ————

مراد : يعني يرضي ربنا نخرج في الوقفة كدة بدل ما

اروح احلق مليكة : يا حبيبي ده عيد طبيعي نخرج

فيه مراد : هو مش المفروض بتقلبي الشقة

وتنضفي وتنقعي الترمس وتحمصي السوداني ولا

طقوس العيد مش جاية معاك سكة مليكة :

تنضيف العيد ده للسيدات التوتو اسمها خروجة

العيد وهدوم العيد وصواريخ العيد والعديّة بتاعة

العيد واسكين كير العيد يا روح قلبي مراد : يعني

جو الاهتمام العائلي مش في قاموسك مليكة : بص

يا مارو دلوقتي انا ليه منضفش براحتي حاجة في

حاجة بدل ما اقلب الشقة مرة واحدة واهبد صحتي

هو انا لاقياها في كيس تايجر ثانيا وده الاهم الكحك

والبسكوت والبتيفور عملتهم انا وانت بالفعل

والترمس نقعته وانا بعمل الفطار اما السوداني

فتشتريلنا من المقلة واحنا ماشين مراد : بس

معملناش غريبة مليكة : غريبة يعني سبت كل الي

اتعمل ومسكت في دي اعمالهاك بكرة ان شاء الله

مراد : اشطا اتفقنا مليكة : طموح انت والله يا مراد

مليكة : مراد مراد مراد : في ايه مليكة : هو ده محل

حلاقة ولا مظاهرة ولا في أي و مين اللي خارج حائط

جنبه علي وشه ده مين دول مراد وهو بيضحك :

جنبه فكريني معملش الماسك ده وده يا حبيبتي

طقوس العيد عند الرجالة كل سنة واحنا سوا

———— Part Break ————

آسيا : حلو أوي الفستان ده ايه رايك يا عمر عمر:
حلو يا حبيبتي ولونه بناتي الوردي طول عمره بيليق
عليك تحبي نشتره آسيا : لحظة بس ده مش
وردي يا عمر عمر : ما هو وردي او بمبي اهو ولا انا
مش شايف كويس آسيا : ده لون برميتي عمر : لون
ايه آسيا : برميتي عمر : ده زي الفحلقي المسخسوخ
كدة آسيا : مفيش لون كدة أصلا عمر : يعني هو في
اللون الي قولتي عليه أنت كمان آسيا : ايوه اللون
البرميتي هو اللون الوردي أو البنك الفاتح عمر :
ولزمتها ايه بقي التقاليع الفارغة دي ما هو اسمه

بمبي او وردي آسيا : لا نقول الاسم الصح كمان
اللون البرميتي ده من نوادر الالوان يا ابني عمر :
والله طب امشي امشي مش هجيب الفستان انا
غلطان اني انزل معاك اصلا آسيا : يا عمر استني
بس الفستان عمر : قولت امشي مفيش فساتين
قال برتيتي قال

———— Part Break ————

رشا : اهو اهو يا ماما اديني بنصف فوق يكش
الضيوف الي بيطيروا لما ياجوا يلاقوا فوق الدولار
نضيف وميقولوش علينا حاجة سارة : طب انت
بتنصفي فوق الدولار حته واسعة انا بنصف بيت
الستارة زينب : انجزي يا بت انت وهي انهارد
هنصف أي وكل حاجة ، أي حته غريبة عجيبة مريبة
محدث بيوصلها هنوصلها وهننصفها رشا : ادينا
شغالين اهو بعدها ايه بيت الستارة ده مش انت
نزلتي الستارة ونصفتيها سارة : لا حضرتك بيت
الستارة نفسه بنصفه من جوا رشا : انت بتعملي ايه
يا ماما زينب : بنصف الحته الي بين الالوميتال
والحيطة سارة : يلاهوي عليا وهي دي مين ممكن
يوصلها رشا : عيب يا سارة الشياطين الي عايشين

فيها اما يرجعوا لازم يلاقوا بيتهم نضيف والا هيقلوا

علينا حاجة سارة : ما هو الي بيحصل ده كتير احنا

شغالين بقالنا ١٢ ساعة انا حرفيا مش قادرة رشا :

معلش لسة هنغسل الحيطان وننضف السجاجيد

ونكنس الستائر ونعلقها ونغسل الجزم ونمسح

الجزامة من جوه ومن بره سارة : لا لا إنتوا ايه

مبترحموش حرام عليكم اجيب صحة منين رشا :

والأهم من كل ده سارة : ايه تاني رشا : مبارك

كسبتي معانا جايزة أكثر واحدة اشتغلت في رمضان

سارة : حسبي الله ونعم الوكيل